

Pak Kitab fuain dólla  
Házir óiye



Nuú edde  
Dhoóñr  
Tuán



Lekóya: Edward Hughes

Nokcá tulóiya: Lazarus  
Alastair Paterson

Borabor goróya: Sarah S.

Torjoma goróya: John Anwar

Neelaiye de óilde: Bible for Children  
[www.M1914.org](http://www.M1914.org)

©2020 Bible for Children, Inc.

Laisen: Tuáñttú e kaháni yán neelai bólla yáto kopí goribólla hók  
asé, zedún fóijjonto tuñí yán oré nóo beso.



Nuú eggúa Allahr ebaadot  
goróya accíl. Ar oinnó  
manúic beggún Allah re no  
maníto. Ek din, Allah ye  
hoódde, "Manúic beggún hóraf  
óigiyoi, Aññí e hóraf duniyai  
yián dónco gorí

felayíúm."

Allah ye Nuú re  
hoódde, "Siríf tor  
ghórthiya  
basibó."



Allah ye Nuú re húñciyari diyé de ki, dhoóñr tuán aáiyóre duniyái dufái félaibo. Allah ye Nuú re hókum goijjil, "Ekkán gas or kicthi baná, ziyánót tor ghórthiya edde becí januwar ókkol añçé."

Allah ye Nuú re hondila-hondila gorá foribó de cíkai diyé.  
Toi Nuú

duadit  
laiggé.





Nuú ye zettót te kicthi  
kiyólla banár de buzái  
deer, hétunot manúic  
ókkole técerar.  
Nuú zendil  
kicthi

banát accíl,  
héndila manúic  
ókkol oré Allahr  
baabute yó huát accíl.  
Montor kiyó nóofúne.



Nuú ttú dhoóñr biccác  
accíl. Age honódin zór  
nodilé yó toóu Nuú Allahr  
hotá re biccác goijjíl.  
Tattú hom thaim or  
bútore kicthi banaiya  
óigiyoi.



Baade januwar ókkol gólaiye. Allah ye zur-zur háñth dhóila januwar edde faik focú ainné. Dhoóñr cóñço faik focú, edde dhoóñr cóñço januwar ókkol kicthit gólaiye.



Nuú ye januwar ókkol kicthi gólat de  
dekiyóre manúic ókkole Nuú re  
guzori-guzori gáil diíl. Tará  
Allahr uldha guná gorá bon  
nógoré. Ar kicthi góli  
bólla yó nóoho.





Akérit, fottí januwar  
ókkol gólaiya ói baade,



Allah ye Nuú  
re hoódde,  
"Tui edde tor  
ghórthiya  
kicthir bútoe ai."

Toi zeñtté Nuú, Nuúr  
boou, Nuúr fuain edde tarár  
bowáin beggún kicthit góille,  
Allah ye duañr bañdí feláil.



Baade zór aiccé.  
Fura duniyai salic  
din salic rait faníye  
bóijja accíl.






Fura cóor cóor  
fara fara faní ye  
bóri giyói. Zeñtté zór támaiye  
yála murá úddua faní ye gúijja  
accíl. Ar hárr kessú ziín ottú  
foran accíl beggún morigiyói.



Faní zetó becí óu héto  
kicthi uore báce. Kicthir  
bútore andár óitofare, ar  
dhoró laitóu fare. Montor  
tuán ottú Nuú edde Nuúr  
ghórthiya basi faijjé.





Fańs mác tuan ói baade, Allah  
ye eggúa fúana boiyar defecáiyé.  
Asté-asté, Kicthi gán Ararát name  
eggúa faárot baijjé. Nuú aró salic  
din fán kicthir bútoire táikke, ar  
faní lami giyói.



Nuú ye eggúá hawa edde eggúá hoitor kicthir kirkiri  
ttú defeçáiyé. Ziraibár zaga nofái hoitorgúa fíri  
aiccé.





Ek háfta baade, Nuú ye abár kucíc goijjíl. Ebarot hoitorgúa híbar mukot eggúa zaitul fata loi fíri aiccé. Ar ek háftat Nuú ye zobin fúai giyói de yían zaní faijjé, kiyólla-hoilé abár eggúa defeçáil de hoitor híbar waáfes fíri núaiyé.




Ya kicthi ttú lamibár thaim boli Allah  
ye Nuú re hoiyé. Toi Nuú edde Nuúr  
ghórthiya ye januwar ókkol oré kicthi  
ttú lamaíl.






Nuú becí kúci ói,  
kurbani gáñ  
banai Allahr  
ebaadot goijjé,  
Zibá ye íbare  
edde íbar  
ghórthiya ré  
tuán ottú  
basaiyé.





Allah ye ar  
honódin tuán di  
insáztatir bisár  
nogoríbou hoói Nuú  
lói waáda goijjé. Allahr  
waáda re monot rakibólla

Allah ye ekkán  
nicán diyé. Allahr  
hé waádar nicán  
óilde miyúla.



Nuú edde Íbar  
ghórtiyá beggúne  
noiyá cúru faiyé. Nuúr  
haándan ókkol lói duniyai  
bóri giyói. Duniyair fottí  
zati ókkol Nuú re  
dí aiccé.



Nuú edde Dhoóñr Tuán

Allahr Kalam ottú ekkán kaháni, Pak Kitab,

loót fade

Foidayec 6-10

"Tuáñr Kalam gólaye foór diyat táke."

Zobur 119:130



Fúraiye



E Pak Kitab or kaháni ye añárár taijjuppa Allahr baabute cíkaibo, zibá ye añáráre banaiyé edde zibá ye saádde tuñí Íba re sinó.

Allah ye zané añára hóraf ham goijjí, ziín oré Íba ye guná hoó. Gunár cánza óilde moron, kintuk Allah ye tuañre becí muhábbot goré de hétolla, Íba ye Íbar ek siríf Fuá Isá re defeçáiyé, zeéne kúrucot foran de, edde tuáñr zoriya cánza fa. Baade Isá zinda óiyore Íbar ghór ziyán bíyosto híyanot giyói. Zodi tuñí Isá uore iman añní, tuañr gunár maf maiggo de óile, tóoile Íba ye tuañre maf gorí dibó. Íba éhon tuañr héçe aibó edde fúañti tákibo, ar tuñí Íbar fúañti zindigibór tákiba.

Zodi tuñí yían sóiyi de biccác goró, tóoile Allah re yían hoó: O adoijjá Isá, añní biccác gorí de, Tuñí Allah, ar insán boni duniyait aái añár gunálla foran diyó, edde Tuñí abár zinda óiyo. Meérbanigorí añár zindigit aiyó edde añár gunáre maf goró, zeéne ehón añní noiya zindigi fai, ar ek din bíyostot zai Tuáñr fúañti hámica tákifari. Añáre modot goró, zeéne añní tuañre mani edde Tuáñr fua boni tákifari. Amin

Fottí din Pak Kitab foró edde Allahr loi hotá hoó. Yuhúna 3:16

